## Velenu di male

Velenu chi s'infilza é brusgia le mo vene Chi sdrughje la bellezza annegrisce l'avvene Velenu chi mi rode é chi mi face soffre Mullizu infuschitu é toscu inghjallicitu

Si macellu si sterpizia si sfracellu ingurdizia Si l'infernu à caternu tù ci mandi é ci infanghi...

Rubaccia chi ci sterpa é chi ci face more Materia chi ci surpa chi a tutti ci dole Velenu di le pene chi ci porta culà Duve più nun si vene chi ci ha da infracicà

Si macellu si sterpizia si sfracellu ingurdizia Si l'infernu à caternu tù ci mandi é ci infanghi...

Lindezza di u sangue chi corre in le mio vene E purezza chi langue chi schjarisce l'avvene Dulcezza di un amore chi mi porta la pace Rinvivisce lu core ch'ellu ùn si pò più tace

Avà campu avà godu avà cantu la mio gioia Avà ridu avà stridu hé più bella la mio stella… Avà campu avà godu avà cantu la mio gioia Avà ridu avà stridu hé più bella la mio stella…